

QVÆSTIO MEDICA

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS, VIII. MART.

M. DIONYSIO GVERIN Doctore Medico, Moderatore.

Est ne homini viuendum vt edat?

1069

SVPREMA est vniuscuiusque perfectio munere fungi ad quod maxime comparatum est; pecudis quidem totis capere sensibus voluptatem, verum hominis parere rationi; hæc eum vetat bestiarum more viuere; quem ad magna quæque natum esse animæ & corporis quibus constat conditio testatur excellentior; humanus animus est diuinæ auræ participatio, vitæ principium primum, mouens per se natura, præstantissima omnium formarum, corpus humanum aliorum lux est corporum, mundi imago totius, motum ab animâ, elementorum vltimus conatus: è diuerso aliorum animantium bruta & vilis est animula, impura, ex elementis suscepta, corpus vero rude & impolitum, temperamento deteriore, ad terram conuersum, hinc distincta hominis & pecoris officia ac munera.

BELLVÆ sensibus addictæ sunt suis, homo similes recusare dominos debet, illæ voluptati consecrandæ, hic virtuti; virtus est altum quiddam, regale, excelsum; voluptas demissum, seruale, abiectum, nihil est pecore ignauius; nihil homine sub cælo sublimius, vt ambo operentur conuenienter suæ naturæ, pecori viuendum est vt edat, homini edendum vt viuat, insita est à natura vnicuique animanti sui corporis charitas, sed non vno modo omnibus, pecori tanquam munus præcipuum, homini nequidem vt munus, longe alia sunt hominis munia, natus est ad societatem & vitam civilem deique cultum: hæc malè implet munera qui viuut suis addictus sensibus, quibus indulgere vnusquisque nostrum potest, non seruire; ex ipsis nulla voluptas nisi falsa & dolori simillima, nisi in quantum cibus famem domat, potio sitim; si quid vltra desideratur vitæ laboratur non vñbus: tolle famem & mollior esca nullius erit pretij, tolle, sitim & fontem limpidissimum sicut cœnum despicias, esto volupe sit indulgere mero, implere se cibus, at infirmi sumus ad quidquid vlueris tolerandum, & qui ne continuata quidem capimur voluptate.

HILARIOR viuendi ratio continetur pace corporis & animi; vtrique malè consulit qui nil in vita agnoscit melius quam vt ventri faciat satis, primum enim ventriculus appetentiæ sedes, humorum corruptorum copia obtunditur ita vt langueat dissolutus, ac etiam si gustus (vt qui in lingua permancat) integer relinquatur & rectè diiudicet, neque validè attrahat, neque contineat rectè; ex hac imbecillitate status, fluctuationes, crepitus, ructus, grauitas, distentio & (natura quam vt regere queat cibos infirmiore) cruditas atque corruptio, quam consequuntur vt plurimum fastidium ingens, aut immoderatus appetitus, aut viciosi cibi veluti terræ calcis exedens quasi sitis, nec horum tantum morborum causa est ingluuius, verum postquam humores ventriculo impacti computruerunt & tantam putredine acquiescunt malignitatem vt orificium ventriculi superius exquisito præditum sensu lacerare valeant & per superas corporis partes tenuissima aura effenti, ventriculus sua principibus partibus vitia communicat cordi ac cerebro, ac cor in sympathiam trahens animi defectiones parit, syncopas, dolores, quos cardialgias vocant; cerebrum vero efficiens soporem inducit, veterum, morbum comitalem, cui diuities magis sunt obnoxij; præterea membranis cerebri maligna è præcordij expiratione compunctis dolores accidunt diuturni, imo crassus vaporibus mixtis inquinantur animales spiritus, opplentur cerebri ventriculi, adeo vt facultas libero ad sensus aditu prohibeatur, hinc visus imbecillitas, auditus læsio, sensus omnis stupidus, cum faciei pallore, vago intuitu, vultusque langore perpetuos se adiungunt intemperantiæ comites.

VLTERIVS sæuit malum, si quidem crudior chilis in iecur manans per venas mesenterij, eas obstruit adeo vt pejor postmodum sit distributio, hinc alui accidit fluor, quem exsiccat inedia, in iccore autem ipso hic chilis ita benè concoqui non potest quin vitij retineat aliquid quod in viscere augetur calidior aut frigidior, hinc illius corruptit naturam sanie putri, hoc autem schyrru labefactat, ac cum totus nequeat in iccore coërceri, pars eius excrementitia vel in tunicam fellis eructatur cuius poros obstruens tria parit incommoda, altus euadit pigrior, suffunditur bile cuticula, calculus in tunica fellis coagmentatur niger & caustica præditus facultate, vel fertur in lienem vbi tenuior vix sit, hinc lienem tumefacit, deinde sic obstruit vt ad diuerberationem aliqui veniant infelici successu, aliquando etiam lien concreuit in lapidofam duritiem non sine magno vitæ discrimine, sed ne ad id quidem periculi peruenit nisi per alia pericula, humoris crudi copia pressus lien partem eius in ventriculum pellit, partem in pancreas, atque mesenterium, partem, in habitum corporis; in ventriculo saluationem facit immodicam, in pancreate ac mesenterio femina latentium & diuturnorum ferè omnibet eius ratio excrementorum, pars vero ad nutriendum idonea non expers est vitij, præ crassitie enim hærens in via corpus fraudat genio, qua de causa contabescit, nec etiam si nutriat statim caret vitio, hinc ex nutritionis errore cachexia, tremor, oedema toto corpore, arthritis, luxatio, quæ aliqui tamen vitant intemperantes propter naturæ suæ bonitatem, sed malignas febres sensim vergente ad corruptionem ac putredinem hoc sanguine, synochos, partium inflammationes, apoplexias & alios vix effugiunt morbos ex simplici sanguinis copia, quid bonæ mentis expectas ab his hominibus? hæc ita altè sanguini immersa est, vt nullas edere queat functiones, at effraznatæ sunt concupiscentiæ, animo tamen nullo, tanti nimirum refert, vt corpore valeas & mente quam sobrie degas ætatem.

DISCE igitur, quod summæ est artis, esurire inter epulas; vide quas excitat rixas diuersorum morum eadem in vñbe populi, nil aliud in corpore præstat nimia ciborum varietas, cum multis vteris pulmentis ne fac temerè, nullo ordine frigida calidis præmittens, dura mollibus, vnde coctio quadri peior; caue ne æstu animi corpus compellas ad illecebram non naturalem quo vis tempore mensam stitens, ex quo nouus cibus cum priore inuenit in ventriculo ab illo corrumpitur non incorrupto, sicut conuiuæ in domum luctus plenam irruentes turbantur ab alijs & hos turbant vicissim; de mensa cape quantum debes non quantum cupis coquos odio habens qui variis condimentis appetentiam norunt semper vterius quodam quasi fascino proferre quamuis defatigatam veneficis haud ab similes mulieribus pocula miscentibus amatoria in quibus virtus est nulla conciliandi amoris magno conquisitas pretio dapes fuge, quibus non sine graui sanitatis incommodo vti poteris claras quippe meretrices referendo quæ plus molestiæ afferunt quam delectationis: vita salubrior pane potissimum fulcitur & aquâ, his omnes habent opus, vinum solis senibus vitæ præcipue pueris nocet ac mulieribus, quotidianus carnis usus nemini est commodus siue ad longiorem siue ad salubriorem vitam, rarus non est improbandus, pisces inter mensæ delicias numerandi sunt, non cibos: caue ab omni lacticio, ab omni fructu saccharato, vel mellito, ab omni falso, vel acri, vel piperato cibo, inter legumina parce fabis, inter olera vel ipsis parce lactucis, inter radices parce cæpis, inter fructus parce pomis, parce quoque nucibus,

Non est igitur homini viuendum vt edat.

Proponebat Lutetiæ EDMONDVS CHARIER Trecensis, A. R. S. H. M. DC. LVII.

